

Na osnovu člana 70. i člana 89. Zakona o javnim nabavkama („Službeni glasnik BiH“ broj: 39/14) i Zapisnika o pregledu i ocjeni ponuda, broj: 02-49-21621/15-1 od 10.12.2015. godine, u postupku javne nabavke po konkurentskom zahtjevu za dostavljanje ponuda broj: 1355-7-3-287-3-61/15, Gradonačelnik Grada Zenica, d o n o s i:

O D L U K U o izboru najpovoljnijeg ponuđača

I

Kao najpovoljniji ponuđač u postupku Javne nabavke radova - "Izgradnja vodovoda Vukotići", bira se TB Inženjering d.o.o. Breza, sa ponuđenom sa cijenom u iznosu od 45.755,27 KM bez PDV-a odnosno sa cijenom u iznosu od 53.533,67 KM sa PDV-om.

II

Ponuđač TB Inženjering d.o.o. Breza dužan je dostaviti dokaz da ima najmanje 15 stalno uposlenih lica i u radnom odnosu najmanje 1 dipl.inž. građevine sa položenim stručnim ispitom kao i dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj:39/14) navedene tački 2.2 Konkurentskog zahtjeva za dostavljanje ponuda broj: 1355-7-3-287-3-61/15 u roku od 3 (tri) dana od dana prijema Odluke o izboru najpovoljnijeg ponuđača.

U skladu sa članom 98. Stav (5) Zakona o javnim nabavkama BiH („Službeni glasnik BiH“ broj: 39/14) ugovor o nabavci dostaviće se najpovoljnijem ponuđaču iz tačke I ove Odluke najkasnije u roku od 10 (deset) dana od dana dostavljanja Odluke o izboru najpovoljnijeg ponuđača.

III

Odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka broj: 02-14-766-19/15 od 27.11.2015. godine. Javna nabavka je provedena u skladu sa poglavljem V Ostali postupci javne nabavke Zakona o javnim nabavkama BiH („Službeni glasnik BiH“ broj: 39/14). Komisija za javne nabavke imenovana Rješenjem, broj: 02-49-21621/15 od 27.11.2015.godine i Rješenjem o izmjeni rješenja o imenovanju komisije, broj:02-149-21621/15-10 od 07.12.2015.godine je blagovremeno dostavila zapisnike o otvaranju, pregledu i ocjeni pristiglih ponuda.

Iz navedenih zapisnika proizilazi da je u predviđenom roku pristiglo pet ponuda. Na osnovu kriterija najniža cijena tehnički zadovoljavajuće ponude u skladu sa tačkom 8.1. konkurentskog zahtjeva Komisija je jednoglasno predložila ugovornom organu, da donese odluku o odabiru najpovoljnije ponude za ponuđača TB Inženjering d.o.o. Breza.

Uzimajući u obzir sve navedeno, a primjenom člana 64.stav (1) tačka b) Zakona o javnim nabavkama BiH („Službeni glasnik BiH“ broj: 39/14) kao najpovoljniji ponuđač izabran je TB Inženjering d.o.o. Breza.

Iz navedenih razloga, donesena je Odluka kao u dispozitivu.

Pouka o pravnom lijeku

Protiv ove Odluke može se izjaviti žalba Gradonačelniku Grada Zenica u roku od 5 (pet) dana od dana prijema ove Odluke.

Broj: 02-49-21621/15-1
Zenica, 11.12.2015.godine

DOSTAVLJENO:

5x Ponuđači

1x Služba za komunalne poslove i ekologiju

1x a/a



GRADONAČELNIK

Husejin Smajlović